

金華黃先生文集

黃學士文集序

翰林侍講學士金華黃先生文集總四十三卷其初稟三卷則未第時作監察御史臨川危素所編次續稟四十卷則皆登第後作門人王生宋生所編次也先生之文章刮磨潔雪如明珠白璧藉以繅綺讀之者但見其先瑩而含蓄華縟而粹溫令人愛玩歎息之不已而不知其致力之勤用心之苦也故其見諸朝廷簡冊之紀載山林泉石之詠詞無不各得其體而極其趣以自成一家人之言不既其盛矣乎余嘗論之文章與世運同為盛衰或百年或數十年輒一見焉先生當科目久廢之餘文治復興之日得大肆力於為己之學以擅名于海內雖其超見卓識有以異於人其亦適值廿一之一盛也耶譬諸山川之風氣草木之花實息者必復悴者必榮蓋亦理勢之必然者夫豈偶

然而已哉先生領延祐甲寅鄉薦先文靖公實為考官於師泰  
有契家之好其後同居史館又同侍 經筵文設為尤篤比廉  
問閩南過金華得先生之集於王生故叙而授之三山學官俾  
刻梓以惠來學先生登進士第授將仕郎台州寧海縣丞歷石  
堰場監運諸暨州判官浮沈州縣幾二十年始入翰林應奉文  
字尋丁外艱服除改國子博士居六年以太夫人春秋高乞外  
補遂提舉江淞儒學年六十有四竟辭祿歸養以中順大夫秘  
書少監致仕及終太夫人喪年已踰七十矣復被 召為翰林直  
學士兼 經筵官陞侍講學士中奉大夫同知 經筵事數告  
老不許久迺得謝去今年七十又九猶康強善飲啖援筆騁馳  
如壯歲云至正十五年十月既望朝散大夫福建閩海道肅政  
廉訪使宣城貢師泰序

金華黃先生文集卷第一

初藁一

五言古詩

臨川危素編次

潘昂劉耳校正

襟詩五首

日月東西行羣動亦不息寄身萬物中寧獨謝茲役所以魯中  
叟遑遑走南北聖哲諒已然旅人能久安

晨起步南園旭日朗以清葵花衆草中曄曄敷丹榮流光非汝  
私獨爾心自傾覽物有深懷竚立方舍情

璞玉與寶劍淪落初未偶君看被湔祓各在千年後將身比金  
石誰當獨長久悠悠百代下相知復何有

孤雲澹無心出山偶為雨長風忽吹散渺渺歸無處唯餘向來  
山突兀青如故憶我魯仲連功成身已去

春風著萬物欣欣皆自私可憐兒女花榮悴更相持獨有澗底

松偃蹇如不知何疑楊執戟草玄騎若絲

效古五首

上山見明月下山月相隨月豈知愛我我行自見之故山日已  
遠故人不可思殷勤謝明月願爾無時虧

女美衆所悅士窮世所輕輕重安足言泥盡水自清淮陰初寄  
食曲腰跨下行季子黃金多妻嫂來相迎自古已復然歎息空  
吞聲

擊石乃有火石天光不揚擎天亦有路天高路何長嵯峨萬古  
雲下覆歌笑場富貴誠足多貧賤不可忘

落花隨風吹各自東西飛花飛既不息水流復無極同生不同  
歸能為異顏色水生則有枝豹死則有皮悠悠岐路間多言亦  
奚為

飲酒莫盡醉盡醉無餘權讀書莫弔古弔古多悲酸蕭艾救中  
野白露摧芳蘭鳳飢不得死鴟梟食琅玕去去復去去采芝青  
雲端

人事如草木

人事如草木一氣榮悴之外物何預人而真喜與悲堂堂異姓  
王昔者跨下兒窮通本解后達者固不疑阮生亦隘人慟失真  
奚為

煌煌明月珠

煌煌明月珠未害居濁水君看黃河黃豈解污清濟我方遺吾  
形龍辱齊一指懸知破琴戴未若槌撻禰

微雲翳白日

微雲翳白日羣動何喧喧嗚呼麒麟兒化為猴與猿登高望四

荒但見黃河奔誰哉泝其流與我歸崐崙  
萎蕤青桂花霜霰日已繁豈不有桃李對之可忘言

古意

荆人初得玉跖足辭巖阿持獻萬乘君  
門正嵯峨誰其尸國工謬以石見訶  
迷邦誠不忍欺君反同科臣口不自明  
臣心終靡它抱璞重再拜呼天淚滴沱  
淚盡血可續玉在良已多是事古則然  
嗚呼今奈何

連雨禱書五首

蕭蕭十日雨出門竟何之不愁道路難  
所懼沾我衣悠悠看屋梁作計誠已非  
有酒不解飲且逐哦吾詩

昔慕栗里翁頗復志耕耘偶入翰墨場  
抱筆學爲文偃蹇獨何成喧啾浪云云  
念彼荷蓑子窮年愧其勤

虛堂坐無言  
繾綣悲宿昔  
常時眼中人已如  
不相識  
剝琢者誰子  
令我喜折屐  
忽去已莫追  
一咲岸玄曠

我思仇山人  
山川莽回互  
十書九不到  
木葉歲頻暮  
頗聞近移居  
併失夢中路  
得無挈妻兒  
倒載入山去  
今日曷不樂  
孤倡無與酬  
兀坐把書卷  
展玩不自休  
惜問誰所為  
其人已千秋  
山雨政可聽  
據書置牀頭

晚晴

洩雲散積雨  
林木含餘清  
披衣有奇懷  
偶從林叟行  
新晴遠峯麗  
夕陰孤花明  
曠日固所虞  
聊茲息營營

夜歸

空山四舉寒  
落日翳榛莽  
蜿蜒草中迷  
蹢躅屨度寒  
雨楠杉杳深  
黑忽忽疑伏  
帝林窮澗水  
明稍聽歸人語



讀忠簡公遺事

公初起澄陽艱危屬多壘蒼然國家意委身干戈裏陰飈卷翠  
華朔雪被南紀悠悠冥淵日方盡揮不止寅恭秉齋鉞際會開  
朱邸長安付馮異漢業中興始宮庭數汎掃蹕路無荆杞疚心  
望鑾輿感激涕如水上表方出師嗚呼孔明死宴安不可懷肉  
食母乃鄙臣舟竟未焚三語猶在耳蕭然舊祠下碧草垂階圮  
登堂挹光儀杰爲仍几几千年墮淚碑一夫敢殘毀傳家有遺  
書叙事非虛美勗執慎失墜庶以裨信史

陪諸老夜飲

世故不可料忽若浮雲移生令百年內顛倒殊懼悲願惟我與  
公異代同一時覽古既深慨撫今亦餘噫長川去悠悠青山暮  
委蛇向來遠遊意我行方遲遲咄哉有志士年歲恒寒飢况復

託渺茫欲與千載期  
盈虛信天運痠興豈  
人為願公姑舍是一  
鴈聊可持

曉行湖上

曉行重湖曲旭日青  
林半霧露寒未除鳬  
鷺靜初散寅綠際餘  
景閃倏多遺玩會心  
乍有得撫已還成歎  
夙予丹霞約久茲芳  
洲畔獨往願易違離  
居歲方換沙暄芷芽  
動春遠川華亂存聊  
寂寞取適豈爛漫小  
隱倘見招漁樵共昏  
旦

西峴峯

層雲抱春岑急瀨洩  
嵌竇脩蹊入窈窕衆  
綠蔚以茂名亭標水  
樂柱折荒碑仆幽尋  
得縑廬亂石扶結構  
青精午堪飯碧澗寒  
可漱平生慕真賞及  
此成解后冥探指絕  
頂有路忽通遠綠蘿  
度蒙密翠氣濕衣袖  
寄身萬物中下晚人  
寰陋清醴襟風竹大

滿落巖欽東峰在眉睫可望不可就同遊却何時瑤艸春已秀

夜興三首

秋風入病骨殘夢脩然驚芭蕉葉間露風過皆成聲攬衣沈泉  
內搔首天河橫飢蛩語不休中宵誰汝令孤鴻亦何苦犯霜度  
微明悠悠念羣動百感忽我弄大化倘不爾吾其克營營

寒星挂疎林夜色翳餘暝雞聲驅行客出門路方永亦有山中  
人熟睡方未醒而我立於獨婆婆玩光景一嘆天宇青此意君  
自領

舉頭見殘月葉脫知深秋今我曷不樂歲月如驚鷗常憐古志  
士辛苦歌飯牛空山疲溥溥政合秉燭遊臨風振吾衣蕭瑟不  
得留小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春溫兀然處膝  
下不間晨與昏叢叢萬井中陳生深閉門暉暉百花時陳生不  
窺園常恐去左右或飛履高恩一朝抱長痛飛霜墮秋豈墮酪  
不入口日夜涕翻盆欲娶弗及養矢言終不啻尚賴百歲後兄  
子父所孫朝來遊子衣忽逐東風翻世方醉糟粕何庸薦纖尊  
陳生願謂我是事安足論幸託山水窟放情詠蘭蓀嗟今學步  
者觸險爭飛奔願爾利鋤鏗深斲六籍根願爾進竿屨高折百  
聖源源長流自遠根大枝乃蕃勿搖崔嵬華誇作礫硯言弘惟  
孝與第百行茲其元咄哉行勿休日月方沄沄贈言豈予敢情  
真覺辭繁匪為陳生榮庶感薄俗敦

述懷

端居有夢感求志無餘營夙違金門路緬愛丹丘名傑泰君子

願捧身屬羣英早栖念遠引窘步迷先征僥默教宿尚低徊祖  
平生伏枕勸中夜攬衣寄邈情上天廓澄穆列宿揚光晶俯視  
林木改仰悲鴻鳴跂予秉素十年守柴荆希世華近務慕隱  
餘衷誠願言良時晚庶保幽人貞

寄方子踐子茂

窮居悵無遂徂歲聿載陰飛翹墮芳華候蛩屬哀音曹颺扇叢  
薄泣露栖喬林撫景慨徃古端操思繼今折蘭間幽佩解纓濯  
清潄石林宵惹舊桂栢鬱蕭森遺世豈余敢臣時非我任覽已  
譏高軌即事念所欽纏綿阻道里緬邈眺崗岑委懷跡芳訊貽  
好在規箴

寄俞子易

閨居寡歡豫枉駕忻周旋清言邁脩夜朱火銷餘烟嘉會良不

易簪抱罄所宣揆余徇微素春冬屢徂還著微忤往指馳芳猷  
時賢睦茲企三益揮袂增慨然杪秋淒且厲郊圻曠阡眠振飜  
捲飛藿積霰迷遐川契濶歲復流瞻望情所牽存期尚勿奪輔  
仁庶不訾紫芝無新曲白駒有遺篇失心遂招要贈言比芳荃

東園晚歸

泮池嬰近務起遙愛佳辰興言望東菑良苗藹津津鄙人昧時  
趨曠途風所遵幸達簪組累稍欣田園隣兀兀登故畦悠悠歸  
城闔理穢出新竹撼枯落荆薪夕日逗遠川餘暉散衣巾疊疊  
物變依依念農人渠渠長者惻惻非賤貧

送凌吉叟杭州教授

浙水西八州維杭寔名都古來萬人海逐逐無賢愚况茲百年  
後淳朴古不如翩翩誰家兒白馬驕路隅春風樊樓醉一咲百

斛珠亦有朱門家齊謳問吳歛綺綺散烟霧縹緲被僮奴可憐  
被蚩蚩久為紅塵驅頽俗如波瀾孰障羣流豈又如敗屋鏐風  
雨須人扶博士非冗官豈即無良圖當令歌舞場化作弦誦區  
行矣徇所務辭章信其餘春風撥別衣晴沙秀寒蘆何以贈子  
行白雲不可呼聊持狂者言用比貂襜褕

送朱仲山之京

騏驎出渚注意欲周八極焉豈不多未便甘伏櫪念君抱耿  
耿坐視暄涼易忽辭白髮親去作青雲客應恐鄧仲華咲尔長  
案森鄙人屬有念未辦經世策青燈兩如綫窮巷方偏反懸知  
操斧斤不必睨桴櫟住哉布汝懷庶用副前席勿云萬戶侯自  
可談咲覓百年滔滔內岐路足南北出處會有為聚散奚暇惜  
歌我辛苦詞送子遠行役崢嶸壯士志慘澹遊子色那無平生

期慎爾保金石莫將賈生淚先為離別滴

贈葉審言別

昔人稱好士乃有黃金臺黃金亦何物顧用驕賢才葉君被短  
褐志力何雄哉北斗叫閭闔紅雲指崔嵬終然無苟售自保同  
嬰孩車服非吾榮黃金直浮埃十年今何官茅屋歌蒼苔豈無  
琅玕樹鳳飛故低徊一朝脫身去凝觀雲路開葉君善自愛往  
矣無嫌猜迷邦古所誚豈弟貴不回顧言吐奇習落落排風雷  
尚念窮賤者衡門守蒿萊

舟中偶書

我舟合江浙水清石額額念此殊可喜如何有役沙頭白髮翁  
捫蝨了晨夕茅茨八九椽終歲閱過客

曉望



城頭鷓鴣曙起坐理冠情開意寫遙望烟霧竟川澤喧喧市聲  
動漠漠井氣白如何山中人歲莫塵埃客

晚泊釣臺下

四山環一水遺臺故巘岼那無漁父居政復不敢安舍舟不敢  
雨憑軒俯清灣念昔乘興來無從寄遊觀今我有行役乃尔客  
躋攀山靈豈愛我為解塵土顏落日奠蘋藻清風聞珮環幽尋  
不可極林暝吾當還却去望層碧孤舟生晚寒

登鍾山最高頂以三山半落青天外為韻得天字

平陸湧千里茲山乃穹然猶憐布地金未即辭喧闐巖液散珠  
琲春茵走蜿蜒稍欣涉幽邃登頓衣屢褰路細石磊磊崖深竹  
娟娟洞扉剝開敞峻峯指中天冥探厯巖峯垂蘿弱容牽碧潭  
隱光惟華雨標崇筵下晚飛鳥背茫茫但蒼烟眇默玄圓期淒

涼雲暗宿林鴛將未能惆悵春風前

休日集于城南

後來徂遠遊牽世乖明略豈不有簡書未能置丘壑崇崗近盤  
互春物紛照灼休沐集諸彥迂趾惠前諾稍空林中尊復詠霞  
上作迢迢歷墟隴靡靡瞰城郭脩楊蔭暗渚野櫻散未萼撫時  
悼推斥畢景願栖託損益向子明才能賈生薄曠言觀歲寒無  
將媿場藿

卞忠貞公墓

江左失其御強臣玩天誅歡娛一以乖狂獬無趙趙黃塵播草  
野彤庭交劍及事樞始誰秉捧手如奔狐偉茲百世士死與二  
子俱孤哀耿未沫足以孚豚魚義旗果東指白日開天衢孰最  
穢亂功之人或其徒伊若大雅廢清言鄙文儒未黍已橫委衣

冠尚舒徐屹然見砥柱獨障狂瀾超高風邈難攀捐生乃區區  
青簡煥遺烈蒼梧閔幽壝日夕悲吹多天高年運徂世方用軌  
故猶將愧玄虛江濤渺在望雪涕空漣如

制使馬公祠堂

朔風破滄溟白浪無餘地可憐甘棠樹乃尔能蔽芾借問誰所  
遺馬公古能吏當年印累累庶務劇千緡藏龜不待灼聘駿無  
留警偪仄兵馬區蕩然承平意宴安亦聊爾國步方不易至尊  
久嘗膳壯士頻烈嘗煌煌青冥鉞可同牛刀試嗚呼豪俊人竟  
偃風雲志致身豈云卑生世已其季安知潁川守遂非廟堂器  
嚴祠閤寂寥古木含蒼翠平生辦香祝母迺兒女事如何百載  
下能墮看碑淚永惟茂陵翁苦心抱天藝力耘且有收冕冕觀  
未喬渠渠未梓恭喋喋市井議度哉瞻前脩樹德毋自畏

送人赴盧陽學官

播非人物居潭陽實其隣荒淫謀巫鬼哀怨餘騷臣念子有行  
役水陸弥數旬乃知臯比座佇承文翰賓遐徼指天末男邦控  
城閩祖豆當在列冠裳交來臻足明理化盛演溢周窮垠廣陌  
望八荒出車日赫赫鑾荆孰無造忠信惟書紳簡書有程期取  
別無遂巡揚鑣觸炎熱振鐸驚遠人沅水春蕩潏楚峯暮嶙峋  
行行慎其度離別何苦辛

獲金陵留別一二同志

盛名不易居直道我所遵雖在嘉遯志未渝白圭言罷釣出滄  
海迴帆邈江濱城闔遠滅沒風水屢崩奔蕭條故交地愴恨遊  
子魂始雷茂陽澤孤生限窮鱗沉翔自殊勢衰榮實同根戰勝  
物可遺目擊道已存乘桴詎無取絕弦難具論寄言同心子毋

徒念加餐

龍灣夜泊

乘潮出遠浦日暮北風平高亭不可望遙遙鼓笳聲月明寒鴈下江空夕烟生非關川途念沈憂坐自盈

敬亭山

昔窺謝公作今陟敬亭寺徵素忻始遊賞勝資深詣脩脩綠水木宛宛交蹊術綠縹澗州豐幽巖松颺駛微鍾響昏障高閣浮花氣聿熏旃檀妙豈愛巖壑媚憑生實內惕即事多冥契息陰瞻枏欂奉芳懷芝桂海岳期屢遷石林路深閤經營乖道要迫窄餘物累稽首調御尊尚飲無生惠

宿雲黃山作

束髮弄文史挂席去瀛壖解后乘良會擯落迨茲年息景念生

理洗心賓衆筵恭惟上皇代異人秘靈詮宗師既逾海茲山亦  
棲賢金棺滅霞樹寶篋絨紅蓮仰窺攝誘功信知願力堅內愧  
實菲薄冥通未精專褰裳碧峯雨熱香石林烟綵翠何紛紜苔  
澗窅泅沿尋幽匪外遠蘊真冀重宣二邊離有無五濁空腥膻  
豈伊俄頃用庶謝平生緣

重登雲黃山

茲山實靈竒吐納變舒慘太常闕弗錄名跡何黥黥重華秩山  
川盛典軼封疆蒐遺侈綸綍蠲潔羅醺醺腐儒世所貸薄藝守  
鉛槧無能旅駭奔徒取肆遊覽霖潦時始收天地餘藹晦嵐光  
乍璘璫石狀終黥黥行行恣芒屨徃徃得蛙坎冒進誠近貪自  
畫將豈敢久之零埃豁秀色坐可攬青瑩插鋒鏑翕施披菡萏  
崖奔馬駢駢石踞虎耽耽高尋指大路幽曠極玄窻前行幾台

背後或兩髦綠齒既蹉跎登嶺仍輜輶舉頭塔廟涌地平忽  
如毯天人所食息瑤玖化餘糗林輝寶燈燒風語金鐸撼敗壁  
詩者誰漬墨亂濃淡險盡乃更佳疲極復何憾是節蕤賓初野  
薦首昌歎莫添茶可啜剖石蜜堪噉名談析毫髮苦語瀝肝膽  
理冥心自珍機湊首屢鎮陽烏表西翥衆色齊慘澹崔嵬識梗  
桷蒼莽辨葭蕕莫投僧所褰鍾鏜鼓皖皖羣居肅不只共飯聲  
有噴迴晚夸奪場撫事叢百感超名蛾赴燭逐利魚投棧何時  
脫火宅霍若燕去領綺言息誦誦妙供兮齏菹於焉寄相羊庶  
以忘坎壈誰云入道苦餘味需橄欖

秋夜觀書作

閒居感時駛獨學難為功眷言思古人幽懷極冲冲秉燭起中  
夜攬卷來清風茶惟千載心皎潔懸無窮氓俗自升降世道非

汙隆後來亦奚為黑白分相攻芳華乍可悅執轍何由通吾將  
離言託庶以觀其同所憂明為累不懼苦不豐開軒視明河白月  
當天中怡然掩書坐夜氣方鴻濛

覽元次山春陵行有感近事追和其

惟王始建官氏命有所司索何閭流孽束手無一施屬者秋夏  
交上狀殊酸悲赤日紛按行人馬同時疲連阡見標榜不救飢  
與羸仍聞恣鞭笞慘切傷膚皮檢數頃再三供帳常恐遲哀哀  
鬻兒女貿貿行安之感茲欲無訴既往何由追尚慙噢咻恩稍  
緩租稅期云胡有倉卒歟更相隨但將充其數肯復計爾貲  
肉食不自鄙謂我非敢知栖栖甌石儲剝割無或遺言是隣壤  
凶藉此敷恩慈寧知是州人俟死它無為出語餘喘息行步須  
扶持猶令比樂土疾苦端謂誰僊首州縣間道責自其宜况迫



大府令聯絡飛符移豺狼方在郊鷹隼宜用時區區獮狐兔政  
爾何增虧吾賤不及議為君陳苦辭

登錢山望蕪城慨然而賦

吳興水為州諸山若浮萍況此一培塿瑣屑世未名所欣漁樵  
居乃與緇錫并種竹有萬竿結茅無十楹老僧解人意蹤履能  
相迎芳艸被行迹朱藤暗巖扃蕭條空階暮日照莓苔青猶嫌  
所歷早未極遊眺情登身白雲上始見春申城想當高會時接  
觀飛青冥竭海薦壘勺窮山羞鼎鑪安知千載後寂寞無人行  
煌煌冠蓋區壤壤狐兔營歸來朱門客聽此松風聲

逸山過姚紫芝別業

逸山誠復佳逸人不可逢何言一咲頃得此蒼髯翁今晨過其  
廬碧苔減行蹤坐我松竹間野殺羅甘豐初無驚世談頗多曠

士風念昔去巖壑，嘒嘒白雲中。白雲故無恙，我乃羞樊籠。祇應山林癖，未易藥石攻。高期出解后，意氣將無同。十年舊泉石，忽歸吾甕起。視白日低歸禽亂，西東拔地森四壁。攬天唯一峯，復聞麻谷幽。近與金盞通，山態方屢改。泉源殊未窮，湫然一區內。嗟我幢幢。

次韻荅蔣明府先生

文章不經濟，耽書或成淫。偶從長者遊，稍窺古人心。不琢豈非玉，無絃孰爲琴。歲晏燈火微，江濶魚龍深。願言報嘉貺，安得靈商金。

次韻荅儒公上人

抱琴辭故山，落葉被四野。淒其不能聲，豈曰無和者。誰誇織女工，苦念嫦娥寡。請公毋多談，呼酒觴老瓦。

和方韶父先生以滿城風雨近重陽為韻七首  
掩書生中宵隋空葉落滿不見書中人蒼烟夢秋館  
豈不有膏沐所慕非傾城翠袖日已薄勗哉歲寒情  
栖遲憐繁爪夢寐追飛蓬去去羊荊州吳帆渺霜風  
當年白衣人願以慰風雨不飲政復佳有酒無用清  
江瑤配荔枝勝處終不近好醜且勿爭天道有定分  
聾丞遂已矣目斷山千重烟霞故無恙勝會何由逢  
寒花衰復榮東籬幾殘陽蟠桃亦何好千年期一嘗  
七言古詩

可憐行

紅顏白面可憐子杖藜飢走荒山裏翠眉新婦雪色兒掩袖啼  
瘦如鬼道傍朱門照霜戟腸斷汝翁呼不起金魚象笏供樺蒲

執袵終然愁餓死春風秋月哀思多嗟汝少年素老何

崑崙歌寄吾丘子行

翠鸞啼雲大四垂花龍靈靈神姥歸金僊憶君淚如水昌陽落  
花青蕊蕊晉城珠闕揚素氛開明信信環九門羲和走馬不待  
人鯨魚吸海海生塵若有人兮悵脩阻紫玉參差老鳳語咲揮  
如意教雲舞雲間鶴雖生兩羽歸來歸來勿蹉跎秋風吹折玕  
琪柯

梓山行贈衆生

昔聞山中采藥翁問姓但指簷前桐君家本以衆為氏胡不種  
衆翻種梓桐君采藥不學醫衆君學醫衆采詩朝來索我歌  
梓山使我閣筆頻攄頤問君梓樹家何處青山難尋夢中路但  
見清風兩袖寬詩筒戢戢多於樹長歌短歌亦奚為坐看藥籠

懸珠紈種素種樛俱有術也應無術醫君癡

采芝曲贈永嘉林道士

碧峯矗起三十六老芝千年琢紅玉帝遣仙人下采芝迷花失  
石悟忘歸忘歸幾載無消息蟠桃積核高數尺何日青牛駕爾  
還肯念金華牧羊客

登方巖謁燕靈廟却至壽山寺

一峯屹立摩蒼穹四山拱揖如朝宗寅緣飛磴入鳥道獨扶瘦  
竹披叢茸初驚細路踟躕堪堦欬見巨石蟠穹窿洞門高開得絕  
頂直恐上與丹霄通想像胡侯此弦誦草木遺韻猶泐泐前脩  
往矣不可作尚喜儂設餘靈宮登堂謁拜仰風采奕奕華袞盥  
寶龍白袍方領儼旁侍英姿颯爽皆人雄或云衆神各有職出  
納雲雨大無功斬藤絕蟒泣萬鬼飲馬大壑清羣凶初疑此事

出俚語粉飾詐誕誇兒童又疑靈異古或有荒忽變幻難為窮  
咄茲茫昧無足問但恠俗子何懂懂歲時歌舞連數郡奔走童  
叟多於蠶前呵後殿擬法駕翠華赤羽搖晴空恭惟英靈本正  
直倏忽來往無西東胡宣終歲久盤礴縮取備物華其躬荒哉  
舊俗豈侯意嗟我欲語愁無從拂衣往去指巖麓戀花澗草終  
青紅峯迴路轉逢古寺窈窕石室穿玲瓏連崗爭前擁奔馬飛  
瀑怒落懸長虹荒尋遠討不易極况迺人事多匆匆向來獨立  
渺何許烟霞滅沒山重重却歸溪館弄明月臥聽簫鼓來天風

金華山贈同遊者三十韻

杖藜初出城西門萬株紅樹如雲屯芙蓉峯前問行路窈窕一  
線隨潺湲水聲漸遠山漸近弱蘿纖葛手所捫須臾橫側變峯  
嶺高岸忽復為平原細泉瀏瀏竹竿直石樹駢立疑同根剝金

敗碧逢瘴剝猶以第一名其軒天明獨去弔遺迹玉女委蛻空  
丘墟樓居起望明滅石扉呀若山之樊罅幽穴險往沮洳膝之  
行匍匐不得奔剝觀崖广架漂沈靈龍繞雷蟠蜿蜿紛綸恠狀  
滿巖腹熊虎路伏鸞鳳驚其餘瑣細無不有形求像索難具言  
前趨林麓却下絕俯矚九地窮涯垠青枝翠羽不復辨但聽風  
水聲喧喧高燒松炬度其背珠箔忽墮華燈繁聳身上出指絕  
頂碧相高下彌山園遙穿蓬艾踰雲雨險巖從此不易論秋毫  
細路莫容足下瞰不測傍無藩恠藤如鈎草如劍舉首仰攀攀  
援山崩頽之咲引辭前牽後接猴與猿馳坑跨谷歇側過背行  
喘息愈急燔陰沈古洞閔星日雖有寒暑無朝昏却行左轉復  
深入愈覺慄慄搖心魂珠纓縹渺現滿月稽首大士天人尊拂  
衣徑逐飛鳥下青山出沒波濤翻或云漢人隱身處仿佛肩背

餘苔痕蛇蟠磬折又數里龕巖十丈開墉坦疲歸草堂殿突兀  
坐看雲月吐復吞怡然携手盡文士頗覺筆下來源源名山石  
室如可託韋子歲晏未無援

送俞觀光

寒窓讀書叻政悲坐閱剝琢走啓扉衝風跼凍至者誰俞子訪  
我黥剡溪相逢把辭語移時婦女驚咲羣兒疑俗物病我不可  
醫眼明見此珊瑚枝朝來贈我天馬詩忽然掉頭去莫羈鼻端  
氣息干虹蜺誰能折腰向小兒文章技癢踰爾嬉茶熟聖屨今  
毋遲繫我愛子莫助之臨歧躑躅徒嗟咨

讀清江集

元祐儒者煥星斗後有作者非其偶二龍三鳳何續紵况乃淵  
源魯中叟道從塵編識英爽想見世澤餘忠厚長公平生二三



榮大廷披腹驚羣后風流斑斑仲與季茅茨采椽絕丹黥獨追  
古昔嵩陽秋稍扶疵瑕到瓊玖却蟠餘力歸賦詠古硬清圓無  
不有爰初人文啓河洛下逮百氏分戶牖空言可託匪末藝巨  
筆待援湏好手典刑未墜乃至今吾生已幸何云後青燈照夜  
雨如綫與論微辭煩擊剖追慕政復慙捧心贊美胡能付鉗口  
徒遊起死不敢期儻挹殘膏注空朽

題李坦之詩卷

神仙中人世莫識政以文章為戲劇李生也復可憐人手種蟠  
桃待春色山空歲寒誰念汝青楓墮影霜露白遠遊賦成一朝  
去翠蓋雲旗暮何適蓬萊烟霧秋冥冥鄧君白鹿無消息袖中  
驪珠三百顆夜深勿近蛟龍宅金華之山青龜天山人看山忘  
歲年黃精芝草幸可食安得與子巢其間石牀醉聽松風眠無

為長歌怨如笑使汝惻愴凋朱顏

甲辰清明日陪諸公入南山拜胡侍郎墓回汎舟湖中作  
日終甲子斗直辰持觴遠酌胡侯墳雨霽趨鷗背城闕四十有  
四同州人半為吳語如季真湖窮岸出水陸分舍舟登途指嶙  
峋少年健走黃犢奔或乃喝道驚春雲老翁齒足仍後塵解衣  
狂眠草為茵前趨一里趨廟門杖藜不得辭微辛嚴祠高居絕  
四隣傍為一丘標石麟升階鞠躬羞藻蘋拜興有相祝有文亦  
或稽首稱諸孫歸途探幽挾荒榛下晚塵土多蟲蟲放舟催發  
無遠巡勝賞莫許窮涯垠開蓬列坐羅羶筆託名鄉飲無主賓  
誰歟解事強討論欲以窮達為卑尊美人今代王右軍口吐秀  
句天葩芬鴈行拱立何紛紛爭言我公詩絕倫鴈眉被褐雨山  
民閑日宴坐方甲申艤舟黑亭鵝唼昏晴楊吹花灑衣巾裁詩

紀實聊云云慎勿浪傳來怒嗔

送傅主簿

吾聞上古之士比屋皆可封有材不必登王公可憐衛青日尊  
貴飛將自老風塵中傅公平生經濟手却抱一經今白首隨人騎  
馬著青衫爽氣如虹射牛斗幽門大笑望長安萬里行路  
難行路難知奈何贈公一杯酒請公聽我歌崑崙之山兮高巍  
巍黃河之水兮清有時洛陽少年休太息東山謝公來未遲燕  
昭之事不足云 陛下聖德如華勳願公功成名遂身早退  
魯連小兒能笑人

苦溪風雨中章德茂同汎

黑風翻江白雨傾檣欹桡側斷人行此時唯我與章子孤舟落  
漾烟波裏烟波蒼蒼楊柳黃浩歌擊興彌長翩然一背葉恣

舞青山白塔頻低昂朝過城南莫城北舟人問我將誰適草子  
掉頭作吳語秋水夜來深幾尺忽看大字標竹林寺門對水仍  
陰陰敲門見竹不見人竹間翠石何蕭森迴舟少林雨如注四  
顧冥茫但烟霧魚驚龍躍吾不知披簑却入菰蒲去岸傍羣兒  
拍手呼咲言狂客世所無嗚呼古人今則無後來視我知何如  
為君留此有聲畫題作扁舟烟雨圖

由苦溪出太湖抵陽羨十四韻

首陽山人鉞至死陶公乃為飢所驅大賢出處自有意腐鼠何  
得疑鵲雖誰初令我隨世網久抱礪砢行崎嶇今晨咲與親友  
別烟波決瀉扁舟孤穹天大澤合為一回晚入境茫如無向來  
蟻聚安足戀而取窘束同囚拘暮投高館燈閃閃坐談姬孔歌  
黃虞是間幸可客一息孰與臣翔肩侏儒汗顏俛首飽腥腐咄

子所樂非我娛故人殷勤入我夢云我作計陋且愚此生通塞  
久自斷豈愛一勾忘江湖春風二月花散野珊瑚玉樹惟空林  
丈夫兒女各有事爲君起坐生長吁

次韻子踐雪中見寄

前年江南雪一尺腐儒共走誇三白寧知有客卧欲僵凍骨稜  
層撐鐵石今年復此雪塞門江湖無處浮吾樽野風蕭蕭日色  
死看人射虎蒼山根牛衣覆寒疫復疫金玉餘音慙慰藉平生  
萬卷定安施一甌送我當渠借

金華黃先生文集卷第二

初藁二

五言律詩

臨川危素編次

番禺劉耳校正

寄方韶父先生

牢落江南賦知音寄渺茫  
鹿麋行處有芝草夢中香  
遙興滄浪濶悲歌白髮長  
平生今古淚滴破綠蘿裳

雨二首

兀坐九十日雨聲殊未休  
花時翻益睡茅屋不禁愁  
生事吾何望春寒晚故留  
江波青滿眼萬里付鴛鴦  
泥儵今如此出門知路難  
蓬蒿春自長桃李夢曾看  
未覺龍公倦誰憐燕子寒  
青燈耿蕭瑟千載入憂端

雪

急雪下不止朔風終夜鳴  
飢蟲應蚤蟄老鴈故南征  
生理真何

計沉吟獨此情山中歲酒熟不飲竟須傾

送友人

鄉路三百里獨歸衣正單涼風紫洲水斜月白沙灘燈火期方  
達關山歲欲闌倚門應望汝莫謬駐征鞍

寄友人

憐君山水意局促守柴扉故國悲秋草涼風滿褐衣滄洲斜日  
晚白社幾人歸寂寞兮遙念天寒木葉稀

秋懷五首

天末雲猶去山中歲欲徂周流吾道在嘆息古人無野鵲疑秋  
樹新駒怯暝途蒼茫念同志微薄忝為儒

對酒高天豁登樓落日曠亂蟬悲暮葉老雁赴長雲落魄藉中  
散栖遲鄭廣文身名竟如此碌碌汝何云

稍稍秋河落娟娟宿露微天清江不息野迴樹相依回首狂歌  
殺經心昨夢非流螢無思極巧入絳帷飛

仰古嗟無及關情極可哀補生才見忌賈傅直為災世肯憐標  
標吾曾悔草萊小詩聊裁爾何乃併生猜

風雨仍搖落江山且滯留懶從生事拙閒惜壯心休弱夢繁歌  
石空槎卧沈流興懷到微物世故劇悠悠

### 柴荆

杰日薄烏帽柴荆無定棲可能詩似錦乍取醉如泥薄業慙漁  
艇深衣逐馬蹄蕭條江海興芳草故萋萋

### 憑軒

信有儒冠誤憑軒意欲迷山深風雨惡天濶羽毛低他日聞炎  
瘴連城送鼓鼙荷鋤吾媿爾未敢歎塗泥



風雨

風雨忽如此，閉門方晝眠。故應爲計拙，可復要人憐。燈火荒村路，桑麻杜曲田。悠悠今視昔，把卷一茫然。

抱琴

三尺枯桐樹，相隨年歲深。此行端有意，何處託知音。隱隱青山近，寥寥太古心。空携水仙曲，更向海中岑。

山中懷友七首

大府超羣彥，脩才復壯齡。波瀾開白晝，羽翼動青冥。弱質悲殊調，明時敢獨醒。未妨茅屋底，寂寞抱遺經。

望遠空山裏，天寒夕夢孤。林昏行颼颼，江晚變靡蕪。風雨憐同病，塵沙感壯圖。向來懷古意，迴首未能無。

跡故誰容我，交遊重得君。論文輕咳唾，問俗到耕耘。一咲能青

眼相思有白雲春風動聞巷還往謬紛紛  
何事虛齋裏猶分首蒼鬢高林容偃蹇眾翼避扶搏黑疫文星  
動青天劍氣寒終南山正好那得悔儒冠

自是麒麟種早栖定幾年故廬南雪下短褐北風前歲暮山林  
瘦天高雨露偏肯同兒女輩俛仰事春妍

卓犖恒山秀相逢幾抱琴五年風雨別四海弟兄心雪外梅花  
遠山中桂樹深定知嵇牀疫高興滿雲林

洛社推年少清林照士林春風何處客芳草獨行深遺墨收秦  
刻新吟學梵音別離無一字目斷白雲岑

悼霍林栗上人

飛錫徧諸方栖身復故鄉年隨霍樹老人與一琴亡暗草迷春  
塔凝塵鎖疫堂蕭蕭今日雨誰炷影前香

社日重過方子踐

東風吹客衣長憶見君時一別驚雲散重來與燕期  
春深今雨夕花老去年枝莫待空山裏青燈有所思

聞子踐臥病

吾子仍多病何人共解顏水聲和藥臼春色閑松閑積雨連三月  
懷人隔萬山同遊況零落浩蕩可追攀

和吳贊府齋居十詠

焦桐

憐爾抱奇質無香亦自焚村高初偶得音古竟誰聞天海空遺操  
冰霜見裂紋中厨方煮鶴終得舍夫君

蠹簡

六籍灰寒久名山餘舊藏凍痕微有字芸草寂無香後死嗟猶

及斯文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虎綠潤雨氣失去陰瓦礫看無異塵埃積轉深明光幾攜入往事復何心

殘畫

勝境不可得微綃餘舊圖丹青初彷彿塵土半模糊蛺蝶飛疑去波濤折漸無良工今豈有為爾一長吁

舊劍

憶啓蛟龍匣提携狂出門紅塵走馬處白日報人恩歲月銅花澁雲烟斗氣昏淒涼中夜舞回首暗銷魂

塵鏡

古鏡色如墨千年獨此留玉臺蟲網暗珠匣土華浮莫咲塵埃

滿曾令鬼魅愁盤龍驚已化雲雨夢悠悠

瘞藥

不辭照珠翠早同文字盟何言中路棄無復向人明兩宿高齋  
夢秋吟瘞館情相看樂今夕及此慨平生

敗裘

蔽爾亦已久霜風兩袖穿甘從稚子笑未受故人憐雅製餘前  
古深期在暮年素絲今化盡念汝獨依然

斷碑

零落秋風臥何年瘞廟碑圖經愁莫載耆舊說頻移野燒龜趺  
失荒苔鳥跡疑遙知千載後拂拭轉堪悲

臥鐘

龍簾久摧折沉埋柰爾何畊民誰睥睨野衲自摩挲雅奏多年

歌銘文幾字訛科陽荆棘長伴舊銅駝

吳贊府挽詩三首

鶴去愁滄海鴻飛困朔風冥冥方獨往已已竟長終  
莫挂還鄉魚真隨厭世弓向來曾慟哭不是為途窮

百代龍川子風流見外孫餘生唯白帽舊業自青門  
浩蕩期千載蒼茫失九原仙華雲縹渺愁絕刻舟痕

懷古餘哀思憐君尚典刑清談無俗子白髮死遺經  
客社荒春汐鄉山隕瘦星夕陽隣舍笛淒切可堪聽

過謝臯羽墓

識子今無日風流可復尋山林餘楚製弟子解聞音  
滄海它年夢青天後疚心平生匣中劍零落遂如今

元日即事

黃學士文集卷二  
五  
回首人頻異興懷誰與同塵埃欺白苧歲月入青銅雨急蒼茫外春生浩蕩中長憐故園樹一一受東風

八詠樓

懷古荒碑在登樓晚望餘秋陰垂野薄江勢抱城斜天地悲游子冰霜感歲華紅塵吹短褐歸興及清笳

明月樓

遺堞何年有飛甍壓上頭鼓鼙分大幕香火望靈湫曲岸舟如失遙沙樹欲浮登臨且吾土未敢恨淹留

溪南即事

莽莽長川去行行薄暮時山光連睥睨寒色入旌旗夕鳥歸飛急風帆送上遲世情關物理倏仰寄長思

含香道中

殘日亭猶遠，輕風帽易斜。稻畦低沒鵲，草徑曲行蛇。經世知無  
策，謀生會有涯。殷勤理黃菊，畱眼待秋花。

懷楊仲弘

離別驚如雨，蹉跎姚後塵。祗今才有數多爾，術能神玉湮。春風  
濕烟甯，碧樹新隰。慙推吏事，吾敢望平津。

八詠樓遇方子踐

風雨三年別，蒼臨一嘆同。綠萍垂古井，碧瓦暎疎桐。世故違高  
枕，吾生劇轉蓬。相逢感曠昔，出處愧匆匆。

杭州寄子踐

尊酒何人共，春光著處同。乾坤容野馬，歲月失飛鴻。俗眼能無  
白，風花故自紅。向來常處士，早已負諸公。

次韻荅子踐



不謂飛霞珮珊珊然寂寞溪相看今兩夕漸近長年人往事驚如  
夢何峯擬卜隣平生千里駕還往得辭頻

劉聲之爐亭夜話

儒冠寧誤我壯志自多違昭代尊經術先生尚布衣清言今夕  
共大隱昔人稀預恐蒼山麓無從候少微

雨三首

湖濶雲如積天空雨正豪風颭薰晝夜井邑帶波濤茅屋垂垂  
破漁舟故故高何妨張仲蔚環堵自蓬蒿

穉子吾憐汝泥行去不難凭欄真自咲高枕敢求安天地三辰  
遠江湖五月寒好將遮日手却把釣魚竿

田父愁何訴龍公怒未休千畦沉翠羽百水散黃流小市猶長  
閑孤城併欲浮誰誇補天漏此事恐悠悠

金陵客舍漫書

不擬夫容佩終然挂窠窠百年多事始千里一身遙巢燕驚華  
屋羈鷹望赤霄蒼蒼叢桂樹愁絕小山招

陪仇仁父先生登石頭城

談笑逢諸老登臨失故亭薄遊成汗漫高步覺玲嶠峽水通吳  
白淮山入楚青平生一杯酒及此慰飄零

春日郊行禱興三首

忽忽時頻異垂垂花正繁登臨聊極目出處可忘言風急江光  
亂春濃野色昏舊遊嗟契濶覽物思空存

五畝清江曲為農計未疎那無經世策宜付絕交書野笛吹頻  
歇漁舟去若虛卜居能有待天地本吾廬

高興真誰共佳晨祇屢經天清風細細花遠樹冥冥勝事今非

昔狂歌醉欲醒終南飛鳥外一髮向來青

次韻荅友人

十載論文地寸皆第一豪江湖嗟契濶風雨夢蕭騷超走知無力標題敢自高期君養翎羽一擊可徒勞

九日登石頭城

背郭囂塵遠高秋川嶽清幽懷初曠蕩陳迹故縱橫遙望龍盤舊長憐蟻穴爭紺園隨處闢粉堞向來傾叢草窺晉井看碑驗故塋門開蒼耳路亭愛翠微名遠樹淮南出滄江鳥外明人烟川浩渺風物歲崢嶸吹帽仍佳節傳觴但老兵愚生襍蛙黷浪走魏清璜珩去去檣帆盡蕭蕭蘆葦鳴登高未成賦覽古獨含情政復哀王粲何堪厭稱衡救廬滄海曲目斷白雲生

寄李生

有美維仙李孤標見碧梧高門留雨露短褐混泥塗姿悍寧為  
小機深或類愚洗心瀕貝葉游藝及梓蒲政爾難藏穎幡然獨  
抱竿從容觀近效僊佚事羣趨稍疲琴心曲能操牘背書誰將  
窮因象莫使避珊瑚它日逢何暮清談動至晡醉醒勞問我喜  
怒得令渠契濶江湖迴飄零歲月徂青雲悲捷狂白日仰亨衢  
秋社於榆外南包橘柚初飛騰如借順能勿唼蟾蜍

七言律詩

送孫君文判官文歸桐廬

呖語匆匆似夢中衣裳俄復判西風殘蟬落日那堪別瘦馬長  
途喜未窮歲事已空南畝稼歸期應老故山桐興來尚有平生  
棹載酒何時覓釣翁

感舊

華屋山丘不可期  
峴山依舊綠參差  
空懷下榻延徐孺  
無復乘舟訪戴逵  
日暮更聞隣舍笛  
歲寒賴有角弓詩  
舊遊寂寞成今古  
冷石秋花處象悲

鳳凰山

蒼海桑田事渺茫  
行逢遺老色淒涼  
為言故國遊麋鹿  
漫指空山弭鳳凰  
春盡綠莎迷輦道  
雨多蒼薺上宮牆  
遙知汴水東流畔  
更有平蕪與夕陽

開元宮

誰使藏舟一夕移  
紅樓翠幙未全非  
曾聞帝子乘鸞去  
疑有仙人跨鶴歸  
烟徃月明瑤草歇  
石壇露冷碧桃稀  
赤欄橋畔多時立  
閒看楊花作雪飛

早起

漢漢晴簷散薄雲獨搔短袂立清晨春風入樹無行迹曉月窺  
簾欲近人旋覺新吟隨夢寐不知清霧濕衣巾何人正踏長安  
陌想見看花拂面塵

九日

獨立憑高發興新霜清露白復佳辰綠尊照眼不解醉黃花滿  
頭應笑人橋邊老僧幽期失巖南故人新句頻秋天此日併回  
首鴻鴈寄書愁未回

次韻山南先生遣興二首

稍覺春風入翦裁更無魂夢到塵埃苔枝自送黃昏影寶篆頻  
消白晝灰世態漸應隨日別老懷可復向人開擁爐坐聽蕭蕭  
雪載酒携琴也莫來

蒲團兀坐久忘機何暇重尋是與非老鴈長雲天渺渺晚花寒

蝶思依依起看丹竈春無恙欲試青鞋雪未晞鵬鷗逍遙端可耳玉堂何必媿柴扉

寄仇仁父先生

一官十載尚沉淪門巷蕭蕭白屋貧自有陶公為社友從呼杜老作詩人兒曹故復輕前輩攜手誰當出後塵招隱詩成無處寄莫雲凝碧坐愁神

寄十八丈判官

金觴淒涼四十年風流文采故依然香山老去誰同社栗里歸來尚有田懷古坐看西日落得春寧問北枝偏清泉白石多深趣千載心期入近篇

寄仲山

異縣關心翔鷹飛酒燈棋雨計頻違寄書全覺嵇康懶入夢多

疑李白非黃葉閉門方寂寂碧雲迴首故依依相從賴有梅花約試躡春風走翠微

寄友人

繫舟一別雲水鄉暮川葭萋方蒼蒼漳濱臥病它年憶渭北題詩春日長蕪菁作花已爛熳楊柳飛絮苦顛狂聞道茯苓暖堪斷遲子青鞋經澗崗

夏日淩書

枕上初殘栢子香烏聲簾外已斜陽碧山過雨晴逾好綠樹無風晚自涼芳歲背人成荏苒好詩和夢落蒼茫求羊何不來三往門掩殘書滿石牀

逢葉伯機

水烟沙雨送歸航楓葉蘆花已十霜瑤曲天風春夢遠墨池秋



草故游荒碧峯又是新迴雁白石依然舊化羊一咲相逢却成別暮雲千里思茫茫

宿賈氏山房

暝色蒼茫赴遠岑獨追燈火下荒潯寒沙細水通幽徑脩竹高楠走翠陰草草悲歡中疲語悠悠醉醒百年心石烟霜月寒無寐坐聽疎鐘出二林

送友人之京

偶緣送遠接清遊烟雨東城晚樹幽離別自應多感慨咲談未害各風流百年芳草頻頻合萬事孤雲故故浮太華黃河入回首春風愁絕李膺舟

答友人

芝掌峯前一杯酒別離歲晚遞相望野梅如雪遙入眼曉鷹連

天寒叫霜閉門窮巷燈火冷回首 山雲樹長幾時抱被却同  
宿愧爾詩筒遠送將

憶友人

無復高談慰索居壯心零落竟何如人間還有金臺夢身後誰  
傳玉枕書半畝蒼苔埋驛地一聲白雪斷絃初芙蓉峯下開吐  
苗淚滴春天草木疎

尖李無逸

青春未受二毛侵談咲俄聞變古今千日却醒徒有望九原莫  
作竟何心平生欠荷劉伶鍾此疚誰談子敬琴水樂亭西烟草  
碧舊游回首重沾襟

過烏傷墓

丹青像設始何年翁仲遺墟自古

北人來下馬不知春

樹幾啼鵲牧童晝卧看碑路野衲春耕祭墓田回首長安西日  
外茂陵松柏正蒼烟

襍興三首

昔從六客堂前客共買何山渡口船杉松夾道得古寺風雨漫  
山連杜鵑憶別老僧如昨日待分幽事及它年春江正綠不能  
去勝踐蕭條祇自憐

笑回擬作送春詩出戶春風去不知葉底孤花猶入眼竹根稚  
筍欲過眉久拋書卷都如夢閒看香烟偶似癡寄語平生張仲  
蔚一歡相屬竟何期

劉生去滌相如器朱子新裁賈誼書百代風流今視昔十年懷  
抱我憐渠故應曾對談諧樂也復能容禮法踈風雨蕭蕭守環  
堵祇今可望故人車

寄陳君采

江淹文采碧雲消  
潘岳才華玉樹凋  
後爾千年開健鑰  
森然作者見風標  
棋花夕日輝相並  
金櫃名山路未遙  
躋欲傾心數還往  
高期無使竟蕭條

次韻荅吳正傳

諸老凋零半九原  
後來英發見蒼然  
高標寧復居人下  
緩步猶須出我前  
天馬爲誰生月窟  
仙禽有日到芝田  
論心待取同傾蓋  
可使空迴雪疲船

寄葉審言

千里相思黃葉初  
喜傳消息慰離居  
姓名漫入山公啓  
懷袖元無賈誼書  
已分耕耘供賦歛  
胡令汲引到樵漁  
臨歧踟躕頻回首  
風雨蕭蕭鴈正踈

獨立

數盡飛花一愴然  
壯心迢遞夕雲邊  
十年人事空流水  
二月風光已杜鵑  
過眼青春寧復得  
污人黃土絕堪憐  
故園尚有平生約  
可使蒼苔到石田

即事

南陌東阡草色齊  
惜惜門巷客來稀  
受風燕子輕相逐  
看雨楊花濕更飛  
綠樹無言春又盡  
紅塵如霧手頻揮  
浮生莽莽吾何計  
獨立看雲竟落暉

山中夜歸

溪山松葉行徃迷  
獨穿磴确步遲驚  
風低卅山帟過寒月挂  
樹天星垂泉鳴荒處寂  
半落露洗青林光  
陸離茅簷抱膝者誰  
子歌闌飯牛聲正悲

旅夜

歷歷飛營度眼明獨睹高枕數殘更薄游已倦新彈欽舊業猶  
餘未棄柴一雨送晴初月色百蟲專夜故秋聲情知三十非年  
少已覺人間有後生

三月三日西湖舟中

黃塵烏帽媿平生對客猶稱舊姓名此事正堪三太息祇今思  
負四難并放舟乍落空濛境送酒元無必宛聲金谷蘭亭嗟已  
矣不妨時暫濯吾纓

金陵天津橋

五雲零落渺天涯陳跡蒼茫日自斜畫角已吹邊塞曲紅藍新  
長內園花可憐遺老埋黃壤曾倚春風望翠華好在北山猿  
鶴依然同住舊烟霞

送人歸豫章

已覺棲遲懶曳裾可能為我強躊躇  
一帆秋色紅塵外千里江關白鴈初  
建業水清誰共飲潯陽潮斷定無書  
黃金未盡朱顏在莫種桃華學隱居

哭陳茂卿

多病文園鬢未霜可人風味故難忘  
豈期疫壑舟無定竟使春天草不芳  
賣藥幾時來海上遺文須我訪襄陽  
誰憐後死仍漂泊雲白山青自故鄉

宣城客中偶書

眼看春霄擁勝流漂零回首媿沙灘  
黃塵烏帽知誰為白飯青芻復此留  
未必嵇康能作吏何妨李廣不封侯  
敬亭雲鳥知無恙歟陵惟須逐俊遊

梳頭得白髮

偶逐飛雲別礪岡  
解纓聊爾濯滄浪  
襟懷已久無山水  
容鬢誰令有雪霜  
未必丹砂真却老  
可須白首更爲郎  
前脩未遠斯文社  
努力無愁岐路長

送韶父先生遊京口

不到南徐三十春  
好將夢寐弔遺民  
也知往事如流水  
枉想重來是後身  
棹響關河風色暮  
雲離野服髭毛新  
舊游偶失扶桑路  
煩向滄江一問津

山南先生挽詩

仰驚喬嶽失嶙峋  
千載風流可復聞  
鼎有丹砂輕縣令  
囊無蕙以詫將軍  
苧袍歲月孤青簡  
石室文章閤白雲  
淚盡侯芭悲獨立  
短衣高馬粗紛紛



喜方韶父先生至蕙懷山南先生

夢覺秋宵失薜蘿尚煩青簡慰蹉跎山中舊別期猶在歲晚相逢感易多華表神僊成窈窕靈光風雨見差幾百年珍重斯文寄跼足脩程可奈何

韶父先生有詩復次韻以和

兩翁故渡可憐人傾蓋長安四十春華屋山丘如隔日疲床風雨得彌旬書籤藥裹仍仍在橘刺藤梢一一新澤寓餘哀寄寞漠大荒誰見下麒麟

寄張如心

謬羨侏儒抱一囊舊游搔首獨淒涼連天斷雁初沉日匝地寒花欲有霜聞道為郎頭白髮未殊高枕待黃粱紅顏好在張公子坐聽松風春畫長

送王傳用靜江教授

丞相威名震百蠻  
蕭條異代得吾賢  
宦游忽過三湘去  
家學應令四海傳  
北望犬牙連上國  
疾占鷄尾直中天  
炎風朔雪皆王土  
未覺青春雨露偏

碧蓮峯下駐飛驎  
風土遙知久自諳  
會有新書稱禹貢  
坐聞舊俗化周南  
深篁盡日迷山鬼  
毒草無時起瘴嵐  
玆重斯文強冷飯  
謬誇丹荔與黃甘

送楊州傅學正

全淮控制列城遙  
尚想青春虎豹驕  
一日江山走珠玉  
萬家燈火沸笙簫  
喜逢才俊登文署  
好頌升平答聖朝  
芍藥瓊花兒女事  
可緣風月逗華鱗

余山

春雲罕落鴈無聲沙岸參差石有稜  
霞展漫窮芳艸徑一龕長  
愧白頭僧晴濤閃閃翻孤日  
山水昏昏捲翠藤  
後夜清風滿遠  
念夢遊空指土方燈

龍潭山

二月清江照眼明  
避風楫滿迴汀  
斷雲扶雨時時黑  
密之葉藏  
花樹樹青習隱未成陶令賦  
行訝聊共屈原醒  
碧潭光景無消息  
坐看魚兒點翠萍

遣興

青雲如夢慨平生  
白髮驚春忽數莖  
漸覺交遊隨日別  
強佐顏  
色逐人行  
百年松檟誰能去  
五畝煙霞故可耕  
妄念掃除渾欲  
盡少游何得尚相輕

次韻方子踐觀潮

潮生潮落有時休朝暮吳兒幾白頭被髮祇誇迎駭浪側身寧  
解障奔流江吹碧瓦人聲曉雲閃朱旗海氣秋後夜月明天在  
水有誰能此試登樓

次韻子踐秋社歸巖南

久悟清都是夢中未嫌短褐任飄蓬時情冉冉心如醉世議紛紛  
耳欲辭會種枌榆依漢社共談禾稼續幽風蹉跎偶負平生  
約已復人間歲一終

子與劉君師魯為文字交十有四年而固未嘗相識也茲  
過武林偶遂良覲有喜而賦

邂逅神交十載餘青楓落月幾愁予何言此日同傾蓋勝讀年  
生未見書天上玉堂容可到山中金匱得長虛故多餘事宜商  
略可待秋風怨索居

杭州寄里中一二同志

故山有路去無從  
燈火關心夢不通  
浪走紅塵真自笑  
舊游白社竟誰同  
胷中好貯千巖秀  
眼底徐觀萬馬空  
風雨未休鴻雁斷  
此懷渺渺故難窮

同儒上人謁黃尊師于龍翔上方脩撰鄧公適至輒成小詩用紀盛集

坐陪三老盡文雄  
政爾衣冠不苟同  
談笑流傳成故事  
畫圖想像見高風  
丹崖方與霞標峻  
碧海誰能鐵網空  
謬託下陳虛自詫  
飛揚無力思何窮

客樓雨中

江城飄泊動經年  
盡日高樓閱過船  
睡起小窓初曉雨  
兩岸垂楊已生煙  
坐抱歲月今如此  
每望雲山欲泫然  
尚喜游從得諸

步時時樂事寄新篇

次韻荅蔣春卿

不謂紅塵拂面時  
軒然談咲一舒眉  
晴風石鼎浮花乳  
夜雨春盤冷碧絲  
握手遽成三宿戀  
論心那覺十年遲  
酒船魚網歸無計  
未必山前白鷺知

送楊山長歸錢塘

百里鄉心海鴈飛  
三年官況野鷗知  
兒童早已占歸信  
弟子應能頌去思  
茅屋荒田春草草  
杏花深巷雨絲絲  
人生適意須行樂  
駟馬高車恐未遲

章德懋同登車蓋

城南日日望蘇灣  
碧樹童童蓋一山  
何意茲辰成邂逅  
與君攜手共躋攀  
鈎衣亂石通  
步看面和風啓  
醉顏尚愛碑銘多楷

則俗書且勿聞妖媚

重遊毗山

十載重來思惘然勝遊邂逅一開顏  
高林有色煙雲淨曲徑無香草樹閑  
漫遣金樽催白日絕憐紅粉浣青山  
南朝舊迹今誰記腸斷風流不可攀

湖山遇葉士心目寄郭祥卿架閣

謝公城下踞春暉最憶東園夜不歸  
落月清樽波潏潏高花銀燭霧霏霏  
未愁強醉羅衣濕政恐重來燕麥稀  
大地風濤竟誰料九霄一鵠看橫飛

大卿車公挽詩

靈光一夕失崔嵬多士相逢雨摧夾道共看丹旆去遺民猶憶繡衣來  
蕭蕭悲吹蘋花冷渺渺鄉山杜宇哀  
笑盡貞元舊朝

士臨岐無語重徘徊

後生無復望儀刑青史徒煩列姓名窮有遺文成鉅冢死無新  
爵上銘旌瓜田方任蓬蒿沒玉樹偏依雨露生舊笏滿床知未  
翰林風月向來清

次韻牟生薄南湖客中

遙望仙槁度碧湖翩然高興不枝梧也知白髮行相待無柰青  
山不受呼過眼光風殊獵獵露衣多露已塗塗相逢幸及南枝  
好一笑聊煩引百壺

次韻姚子敬教授筠庵別業

故園煙樹渺江關長愧求閑未得閑客路獨愁黃葉下高人正  
在白雲間卜隣儻遂容依止載酒終期共往還未害看山仍拄  
笻一竿付我釣滄灣



次韻別程晉輔教授

落拓江湖久不歸相逢還及  
前玉笋飛青眼故多知已在  
望嚙嚙隣雞爾自肥

忽聞煙際蘭橈動誰共花  
覺壯心違赤霄孔翠吾何

花信

已覺尋芳去較遲千林紅紫想終披  
幾經夜雨能無恙試問春  
風竟不知斜日遊蜂應有夢野亭立馬已多時  
殷勤却是江南  
客曾擘冰霜寄一枝

草意

澹烟斜照舊離離吐漫芳心欲向誰  
可是忘憂能自得若教指  
佞定無私東風江上何人識南國春  
未有夢知畱取青青承雨  
露未應紅紫浪相疑

五言絕句

山中偶題

古苔隱石色寒花明藥叢有時白礪雨終日青松風

夜坐

涼風動千里孤坐思滄洲白露洗明月青天此夜秋

七言絕句

寒食舟中

東風溪水碧連連溪上青蘿獨繫舡正是落花寒食夜水煙沙月又啼鵲

失御史王公

有人新自甬東來別後音書第一回欲問布帆無恙否豈知塵世隔蓬萊

被發胡為竟渡河由來魑魅喜人過不須待聽山陽笛一曲空  
篋哀思多

早歲棲身擬鳳池桑田為海已多時路人方為乘驄止流水生  
涯遽可悲

玉堂政要謫仙人何意先成采石墳人物渺然時事異漫令平  
地有青雲

金草原頭草末生兒郎俄已去騎鯨黃泉會有相逢處轉見人  
間子母情

掉頭東下苦匆匆徑扶羣仙入貝宮眼底珊瑚高百尺釣竿吹  
折一絲風

膠泥中流事可歎海雲飛雨失青天陸郎地下驚相見應許來  
遲二十年

孤兒思父母憐兒思見銘旌獨返時畢竟江魚與螻蟻世間何物最堪悲

楚客猶疑刻劍痕秋風已到孟嘗門殘潮落月天涯夜剪紙誰招萬里魂

天吳罔象政縱橫誰認鼇山頂上行海氣昏昏風雨惡夢中無路弔先生

金陵客中送友人歸里

青陽河畔杜鵑啼歸路如弦定不迷應到故山叢桂裏笑人騎馬學聽雞

有感

橘柚青黃照眼垂秋風籬落自紛披頗聞王食登蠻果不獨涪州有荔枝

漢室需才拔隱淪  
鼓刀屠狗正求伸  
可憐風雪南山下  
未有它年射虎人

葉審言張子良同遊北山智者寺既歸復與子良至赤松  
由小桃源登煉丹山謁二皇君祠回宿寶積觀

天風吹我度崢嶸  
春著千巒瀟瀟青紫陌  
紅塵寧有此十年空  
負北山靈

芙蓉峯下南朝寺  
水秀山明兩絕奇  
更向水窮山盡處  
一蒼高貯碧雲師

却問仙山去幾程  
白雲如簇近相迎  
直須不脫登山屐  
行盡松聲與水聲

山中今是太平民  
尚與人間隔幾塵  
流水桃花三百曲  
莫教重誤武陵人

偶看飛花逐水紅不知身遇亂雲東回頭旋覺辜戀別惟有青  
天面面同

雙鶴冲天歲月多至今香火壓嵯峨劉郎不是無兄弟來此丹  
難白犬何

坐愛春泉響翠微玉花吹濕薜蘿衣何人為擘冰壺破共看青  
天白練飛

削立城心雙白塔幾疑日月費撐支一朝頓在闌干底始悟從  
來見處卑

遙憶仙華鶴髮翁清泉白石滿奇習若為此日千峯頂更試平  
生九節筇

一宿山中竟莫留可能長伴淩松遊殷勤好去張公子休愛人  
間萬戶侯

避暑圖

一丘一壑古遺民十里清風不屬人  
閑對青山揮白扇世間何物是紅塵

圍棋圖

有客看棋洞歸天荒地老已多時  
人言此客殊癡絕畫裏看棋我更癡

陶學士驛舍圖

一咲相逢亦偶然浪將恩怨向人傳  
無端更被丹青汚狼藉春風數百年

次韻章兄雨中書懷

卧聽風水共喧喧起視青空白雨懸  
祇謂桑田可無恙不知江勢欲吞天

茫茫平陸一尺水瑟瑟涼飈五月秋莫爲天公無皂白誤將陰  
雨怨鳴鳩

故山回首杜鵑啼客舍誰憐寄一炊賴有四門章博士不緣風  
雨廢談詩

春盡餘寒去却回江天五月未聞雷南風祇在浮雲外彈折朱  
弦喚不來

草長故山懷獨往苔生今雨歎離居誰能共飲桃源酒一醉千  
年不願餘

偈二首

久謂聲聞難作佛今知龍女解成男分明信有旁人分五十三  
身第一參

息心無想成無記有見還同有相存不盡普賢殊勝行隨方願



啓一城門

金華黃先生文集卷第二